



## HE PUKAPUKA POUAKO

# TE AO HAKA



### KAUPAE 2

91983 | Te urupare ki tētahi whakaaturanga o Te Ao Haka.  
(Ngā Whiwhinga: E 4)

**Te Rā Tuku Aromatawai ā-Waho: Te Wāhanga 4 - Te 29 o Oketopa, 2025.**



# NZQA

Mana Tohu Mātauranga o Aotearoa  
New Zealand Qualifications Authority

# Te Whārangi Ihirangi

He Kete Manarua.....	2
<b>91983 Te urupare ki tētahi whakaaturanga o Te Ao Haka.</b>	
<b>Te Tūmahi Aromatawai ā-Waho .....</b>	<b>4</b>
Te Whakamāhukitanga .....	4
Ngā Tohutohu.....	4
Te Whakatakotoranga Aromatawai ā-Waho .....	4
He Whakamāramatanga 2 (mai i te Paerewa Paetae).....	5
He Whakamāramatanga 3.....	5
He Whakamārama 4.....	6
Te Wetewete i te Paerewa Paetae .....	6
<b>Te Paerewa Paetae .....</b>	<b>7</b>
<b>Te Tautuhinga Aromatawai ā-Waho .....</b>	<b>9</b>
Te Whakatakotoranga Aromatawai ā-Waho .....	9
Ngā Herenga Aromatawai ā-Waho .....	10
Te Motuhēhē o ngā mahi o ngā ākongā .....	10
Te Tāpaetanga me te Hāponotanga.....	11
<b>Te Mahere Aromatawai ā-waho .....</b>	<b>13</b>



## He Kete Manarua

Ko te **KETE** i pū mai i te pā harakeke, ā, he whakapapa tōna.

He **MANA** tōna, ā, e **RUA** hoki ōna āhuratanga. Ko ngā taonga tuku iho ka kohikohia e te ākongā, ka tahi. Ka rua, ko te whakapiki i te mana motuhake o te ākongā, o ōna hapū, o ōna iwi hoki.

He tāpaetanga ā-matihiko te āhua o te **KETE MANARUA** ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau, he aha atu, he aha atu ngā momo tāpaetanga.

Te whakaahua o te uhi o mua:

**Nō Kiriana O’Connell.** ‘Pūkeātua |Matariki 2023.’ Nā @public\_record\_ te whakaahua ki Instagram (2023). [https://www.instagram.com/p/CvQfS5wybHD/?img\\_index=3&igsh=MW1manhxYXlzaXF2](https://www.instagram.com/p/CvQfS5wybHD/?img_index=3&igsh=MW1manhxYXlzaXF2). Photograph by @lizclarksonphoto.



# Te Ao Haka

91983 Te urupare ki tētahi whakaaturanga o Te Ao Haka.

(Te Kaupae 2, Ngā Whiwhinga e 4)

Āta pānuitia, āta tirohia, āta whakaarohia ake hoki ngā tohutohu mō tēnei aromatawai ā-Waho ā-waho. Kaua e tukua kia noho tārewa tētahi wāhanga, engari whāia tonutia kia ita.

Kairangi	Kaiaka	Paetae
Te whakamāori i tētahi whakaaturanga o Te Ao Haka.	Te huritao i tētahi whakaaturanga o Te Ao Haka.	Te urupare ki tētahi whakaaturanga o Te Ao Haka.

# Te Tūmahi Aromatawai ā-Waho

## Te Whakamāhukitanga

Me tuku e te ākonga tētahi tuhingaroa e whakamārama ana i ngā ritenga o tētahi tūnga nō te ao haka ki tētahi anō tūnga nō te ao haka. Ka whakatau te ākonga i tōna mōhio me tōna mārama ki ngā huānga me ngā āhuatanga tāpua i roto i tētahi tūnga kapa haka o tōna kura, o tētahi kapa haka anō hoki i Ngā Whakataetae ā-Motu mō ngā Kura Tuarua i te tau 2024.

## Ngā Tohutohu

Mō te Kete Manarua nei, me tuhi mai e te ākonga i tētahi tuhingaroa e urupare atu ana ki ētahi tūnga o Te Ao Haka o te kapa haka o tōna kura, me tētahi kapa haka i Ngā Whakataetae Kapa Haka ā-Motu mō ngā Kura Tuarua i te tau 2024.

- Me tātari e te ākonga ētahi kōrero mō te tūnga o ngā kapa haka e **RUA**. Ko tētahi ko te tū a tōna ake kura, ko tētahi anō nō Ngā Whakataetae Kapa Haka ā-Motu mō ngā Kura Tuarua 2024.
- Me tuhi mai e te ākonga i tētahi tuhingaroa e whakamārama ana i tana mōhio ki ngā Huānga me ngā Ahuatanga Tāpua kei roto i ēnei tūnga e rua nei. Kia kaua e iti iho i te **400 kupu** te roa, ā, kia kaua e neke atu i te **500 kupu**.
- Me whiriwhiri e ngā ākonga ngā āhuatanga tāpua me ngā huānga kei ngā **rārangi e whai ake nei**.
- Ka whakatauria e ngā ākonga ngā ritenga me ngā rerekētanga o ngā huānga kei roto i ngā tūnga e rua.



## Te Whakatakotoranga Aromatawai ā-Waho

Mā te ākonga e tīpako tētahi tūnga o te kapa haka o tōna kura i te ao haka, me tētahi nō Ngā Whakataetae Kapa Haka ā-Motu mō ngā Kura Tuarua i te tau 2024. Ka whakamāramahia e te ākonga ngā āhuatanga tāpua me ngā huānga o ngā momo tūnga i kōwhiria e ia.

Me whiriwhiri e te ākonga kia **RUA** ngā tūnga hei urupare, hei whakamārama, hei tātari mai māna i tētahi tuhinga. Kia kaua e iti iho i te **WHĀ** ngā āhuatanga tāpua, kia kaua hoki e iti iho i te **WHĀ** ngā huānga i tēnei tuhinga, e kitea ai te mōhio me te mārama o te whakamahinga o ēnei āhuatanga i roto i ēnei tūnga nei.

Ka whai wāhi atu ngā ākonga ki ngā whakaaturanga i kōwhiria ai e rātou i te wā e karawhiua ana te aromatawai ā-waho, ā, ka āhei tā rātou toro atu ki ngā hopukanga nei i te wā e hiahiatia ana.

## He Whakamāramatanga 2 (mai i te Paerewa Paetae)

Te urupare atu ki ngā tūnga e rua nō te ao haka mā te:

- » whakamārama i ngā kōrero o ngā tūnga nei.
- » whakatakoto whakaaro ki te tirohanga a te kaimātakitaki.

Te whai whakaaro ki ngā tūnga e rua nō te ao haka mā te:

- » matapaki i te whakamahinga o ngā āhuatanga tāpua hei whakatairanga i ngā āhuatanga tāpua motuhake o roto.
- » here i ngā urupare i te tirohanga a te kaimātakitaki ki ngā huānga i whakamahia ai.

Te whakamāori i ngā tūnga e rua nō te ao haka mā te:

- » here i ngā whakaaro me ngā kaupapa matua i te tirohanga a te kaimātakitaki ki ngā wheako me ngā āhuatanga e mōhio nei koe, e mātau nei hoki koe.

## He Whakamāramatanga 3

Ko ngā āhuatanga tāpua, ko ngā āhuatanga motuhake me ngā āhuatanga motuhenga e kitea ana i ngā pekanga katoa o Te Ao Haka, heoi anō, kāore pea e kitea i ngā wā katoa.

**Whakamahia kia WHĀ o ngā Āhuatanga Tāpua kei raro iho nei i tō whakautu:**

- » Te pūkana,
- » te wiri,
- » te mahinga rākau,
- » te rere (o te poi),
- » te tū,
- » te reo/hāngū.

## Hei Tāpiritanga

He āhuatanga motuhake ngā āhuatanga tāpua e noho mai ana i roto i te tū, heoi, kaore e whāiti ana ki te horopaki o Te Ao Haka anake.

**Anei ētahi tauira o ngā āhuatanga tāpua:**

- Te takahi,
- te tū,
- te whakakai,
- te tūwaewae,
- ngā momo tū ā-kapa,
- te reo/hāngū.

## He Whakamārama 4

Ko ngā huānga he āhuatanga nō tētahi titonga, nō tētahi whakaaturanga ka kitea i Te Ao Haka engari kāore e whāiti ana ki reira anake.

**Whakamahia kia WHĀ o ngā huānga kei raro iho nei hei āwhina i tō whakautu:**

- » Te whakaahuatanga,
- » te rangi,
- » te tirohanga,
- » te hanga o te titonga,
- » te tere,
- » te hiringa.

## Te Wetewete i te Paerewa Paetae

Ko ngā mahi a te ākonga i te Kete Manarua nei, he tūhura, he wherawhera hoki i tōna tūranga i roto i ngā mahi whakaora me te whakarauora i tōna ao Māori. Ka rangahaua e te ākonga ngā auhatanga me ngā whakarākeitanga e ai ki tā te kaimātakitaki titiro. Ka tukuna ōna whakaaro ki te tūnga mā te tātari i ngā āhuatanga tāpua me ngā huānga.

### Ngā Heipūtanga

Ko te taunakitanga o tēnei paerewa paetae, ko te tuhingaroa a te ākonga. Kia whai wāhi mai ēnei mea e whai ake nei:

- Kia kaua e iti iho i te **400 kupu** te roa, kia kaua hoki e neke atu i te **500 kupu**.
- Me whai tohutoro ngā whakaaturanga, ngā pikitia me ngā rauemi katoa.
- Me whai te tuhinga nei i te tāhū, i te kōrero whakataki, i te rangahau, i te pātai, i te kōrero whakatepe, i te tohutoro anō hoki.
- Me motuhenga te mahi a te ākonga, ā, me tuku ngā mahi i mua i te rā whakamutunga **29 Oketopa, 2025**.

#### MĀTĀPUNA

MĀORI+ | Whakaata Māori (Māori Television). 'Ngā Kapa Haka Kura Tuarua o Aotearoa 2024.' (2024). <https://www.maoriplus.co.nz/show/nga-kapa-haka-kura-tuarua-o-aotearoa-2024>.

# Te Paerewa Paetae

Tau AS91983 Putanga 2 Whārangi 1 o te 2

## Paerewa Paetae

<b>Aronga</b>	Te Ao Haka 2.4		
<b>Ingoa</b>	Te urupare ki tētahi whakaaturanga o Te Ao Haka		
<b>Kaupae</b>	2	<b>Whiwhinga</b> 4	<b>Aromatawai</b> Ā-waho
<b>Marau akoranga</b>	Māori Performing Arts		
<b>Kokonga akoranga</b>	Te Ao Haka		
<b>Mana rēhita</b>	Kua rēhitatia	<b>Te rā i mana ai</b>	15 o Tīhema 2022
<b>Te rā e arotakengia ai</b>	31 o Tīhema 2027	<b>Te rā i puta ai</b>	10 o Hānuere 2023

Ka urupare te ākonga ki tētahi whakaaturanga o Te Ao Haka.

### Paearu Paetae

Paetae	Kaiaka	Kairangi
<ul style="list-style-type: none"> <li>Te urupare ki tētahi whakaaturanga o Te Ao Haka</li> </ul>	<ul style="list-style-type: none"> <li>Te huritao i tētahi whakaaturanga o Te Ao Haka</li> </ul>	<ul style="list-style-type: none"> <li>Te whakamāori i tētahi whakaaturanga o Te Ao Haka</li> </ul>

### Kōrero Āpiti

- Ko tēnei Paerewa Paetae, he mea ahu mai i te *New Zealand Curriculum*, Learning Media, Ministry of Education, 2007, ā, ka hāngai ki ngā whāinga o ngā Whakaaro Whānui ki Taumata 7 o te *Tukutuku Ako o Te Ao Haka ki ngā Taumata 6, 7, 8*. [<https://ncea.education.govt.nz/arts/te-ao-haka?view=learning>].
- Ka whai wāhi ki te urupare ki tētahi whakaaturanga o Te Ao Haka:
  - te whakamārama i te kōrero o te whakaaturanga;
  - te rekoata i te urupare whaiaro hei mema mō te minenga.

Ka whai wāhi ki te huritao i tētahi whakaaturanga o Te Ao Haka:

- te whakaaro ki te āhua o tā te whakaaturanga whakamahi āhuatanga tāpua hei whakaari i te korero;
- te tūhono i te urupare whaiaro hei takitahi mō te minenga ki ngā huānga o te whakaaturanga.

Ka whai wāhi ki te whakamāori i tētahi whakaaturanga o Te Ao Haka:

- te whakarite hononga i waenga i te urupare hei takitahi mō te minenga tae atu ki te tirohanga whaiaro me ngā wheako.

- 3 Ko ngā *āhuatanga tāpua* ngā kura motuhake, ngā kura kōhure hoki e kitea ana puta noa i ngā pekanga, ahakoa kāore pea e kitea i ngā pekanga katoa i ngā wā katoa.

Ko ētahi tauira o ngā āhuatanga tāpua, ko:

- te wiri
- te rere o te poi
- te takahi
- te tū
- te reo, te hāngū
- te pūkana
- te whakakai
- te tūwaewae
- ngā mahinga rākau
- te tū ā-kapa.

- 4 Ko ngā *huānga* he āhuatanga nō tētahi titonga, nō tētahi whakaaturanga ka kitea i Te Ao Haka engari kāore e whāiti ana ki reira anake.

Ko ētahi o ngā tauira o ngā huānga, ko:

- te tere
- ngā taineke
- te whakatau
- te reo
- te tirohanga.

He rārangi tōtōpū o ngā huānga kei te Kuputaka o Te Ao Haka

<https://ncea.education.govt.nz/arts/te-ao-haka?view=subject-glossary>

---

### Tātari Kounga

- 1 Me mātua whakaae ngā kura me ngā whare mātauranga e te Mana Tohu Mātauranga o Aotearoa kia whakahaere aromatawai i mua i tā rātou rēhita i ngā whiwhinga i ngā aromatawai i te taha o ngā paerewa paetae.
- 2 Me pāhekoheko rawa ngā kura me ngā whare mātauranga, kua whakaaetia tā rātou aromatawai, ki te pūnaha mātairua e hāngai ana ki aua paerewa paetae.

Te tohutoro mō ngā Here o te Tuku Whakaaetanga me te Mātairuatanga (CMR)  
0233



# Te Tautuhinga Aromatawai ā-Waho



Te Paerewa Paetae	91983
Te Ingoa o te Paerewa Paetae	Te urupare ki tētahi whakaaturanga o Te Ao Haka
Ngā whiwhinga	E 4
Te Marau	New Zealand Curriculum, Kaupapa Ako Māori: <a href="#">Te Ao Haka</a>
Te Wāhanga Ako	<a href="#">Te Tukutuku Ako</a>
Te Tukanga Aromatawai ā-Waho	<a href="#">He Kete Manarua</a>
Ngā Momo Tāpaetanga ā-Matihiko	He konae tuhituhi-.PDF (1-5 whārangi)
Te Rā Tuku Aromatawai ā-Waho	Te 29 o Oketopa 2025
Ngā Wātaka Aromatawai ā-Waho	<a href="#">Ngā Rā Aromatawai ā-Waho 2025</a> <a href="#">Examination timetable and assessment dates 2025</a>

## Te Whakatakotoranga Aromatawai ā-Waho

Me whiriwhiri e te ākonga tētahi tūnga Te Ao Haka mai i tōna ake Kura, ā, tētahi atu tūnga nō kapa kē i tū ai ki Ngā Kapa Haka Kura Tuarua o Aotearoa 2024.

Ka whakatau te ākonga i tōna mōhio me tōna mārama ki ngā huānga me ngā ahuatanga tāpua mā roto mai i ngā tūnga kua whiria e te ākonga.

Me tuku mai e te ākonga tētahi tuhingaroa e kōrero ana mō ngā tūnga e **RUA**. Ko ngā kai i tēnei tuhinga, kia kua e iti iho i te **WHĀ** o ngā ahuatanga tāpua, kia kua anō e iti iho i te **WHĀ** o ngā huānga.

Tirohia te kuputaka marau o Te Ao Haka mō ngā kupu whakamārama o ngā huānga me ngā ahuatanga tāpua ([Te Ao Haka | NCEA \(education.govt.nz\)](#)).

Kia kua e iti iho i te 400 kupu, kaore rānei e whānui ake i te 500 kupu mō tēnei tuhingaroa i te reo Māori, i te reo Pākēhā rānei.

Tēnā tirohia te Kete Manarua i te paetukutuku nei - [He Kete Manarua](#).

## Ngā Herenga Aromatawai ā-Waho

He mahi takitahi tēnei mahi me te whakatakoto taunakitanga mō te aromatawai ā-waho mā te ākongā. Kia tutuki pai ai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kaua e noho tītaha, e huripoki rānei);
- me tāmau te kiriata ki te tītohunga ata, otirā, kāore e whakaaetia ana te tukunga o te honongaitua i tōna kotahi.

[Using the new digital submission portal.](#)

## Te Motuhēhē o ngā mahi o ngā ākongā

Me pēhea e mōhiotia ai te motuhēhē o ngā mahi a ngā ākongā? He tukanga, he taunakitanga me whai, e mōhiotia ai nā te ākongā ake āna mahi aromatawai ā-waho. Kia mataara ngā ākongā, ngā kaiako me te whānau hoki o te kura ki te motuhēhē o ngā mahi a ngā ākongā.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākongā.

### Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki ngā puna āwhina, ki ngā puna kōrero;
- Ngā momo puna awhina, puna kōrero rānei:
  - » he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
  - » ngā pukapuka i whakaputaina;
  - » ngā pukapuka kāore anō i whakaputaina;
  - » ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

## Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): [Tāpaetanga pūnaha hou a NZQA](#).

Kāore te Kete Manarua matihiko e whakahokia ki te ākongā. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- Īmērahia a [assessment.service.centre@nzqa.govt.nz](mailto:assessment.service.centre@nzqa.govt.nz),
- waeahia rānei te NZQA Contact Centre i te 0800 687 296.



# Te Mahere Aromatawai ā-waho

Te Ao Haka 91983: Te urupare ki tētahi whakaaturanga o Te Ao Haka.

Hei tohu i te Kairangi	Hei tohu i te Kaiaka	Hei tohu i te Paetae
Te tātari i tētahi whakaaturanga o Te Ao Haka me tētahi atu whakaaturanga.	Te matapaki i tētahi whakaaturanga o Te Ao Haka me tētahi atu whakaaturanga.	Te whakataurite i tētahi whakaaturanga o Te Ao Haka me tētahi atu whakaaturanga.

## Te Paearu Paetae

Kairangi	Kaiaka	Paetae
<p>Ka whai wāhi ki e whakamāori tētahi whakaaturanga o Te Ao Haka:</p> <ul style="list-style-type: none"> <li>Te whakarite hononga i waenga i te urupare hei takitahi mō te minenga tae atu ki te tirohanga whaiaro me ngā wheako.</li> </ul>	<p>Ka whai wāhi ki te huritao i tētahi whakaaturanga o Te Ao Haka:</p> <ul style="list-style-type: none"> <li>Te whakaaro ki te āhua o tā te whakaaturanga whakamahi i ngā āhuatanga tāpua hei whakaari i te kōrero.</li> </ul>	<p>Ka whai wāhi ki te urupare ki tētahi whakaaturanga o Te Ao Haka:</p> <ul style="list-style-type: none"> <li>Te whakamārama i te kōrero o te whakaaturanga.</li> <li>Te rekoata i te urupare whaiaro hei mema o te minenga.</li> </ul>

## Te Taunaki i te Aromatawai ā-waho

KR8	KR7	KA6	KA5	P4	P3	KW2	KW1
<p>Ka <b>whakamārama whānuitia</b> ngā huānga e <b>WHĀ</b>, me ngā Āhuatanga Tāpua e <b>WHĀ</b>, me te <b>whakatau whakaaro</b> ki ōna whakamahinga katoa, i piki ai te kaha me te wehi o te whakaaturanga ki taumata kē.</p> <p>Ka <b>matapakihia whānuihia</b> ngā hononga taketake i waenganui i ngā whakatau kōrero ā-kaimātakitaki nei, me ngā whakatau wheako, whakatau tirohanga anō.</p> <p>Ka tautokohia ngā kōrero ki ngā rangahau tika me ngā <b>taunakitanga hāngai pū</b>.</p>	<p>Ka <b>whakamārama whānuitia</b> ngā huānga e <b>WHĀ</b>, me ngā Āhuatanga Tāpua e <b>WHĀ</b>, me te <b>whakatau whakaaro</b> ki ōna whakamahinga katoa, i piki ai te kaha me te wehi o te whakaaturanga.</p> <p>Ka <b>matapakihia</b> te hononga i waenganui i ngā whakatau kōrero ā-kaimātakitaki nei, me ngā whakatau wheako, whakatau tirohanga anō.</p> <p>Ka tautokohia ngā kōrero ki ngā rangahau tika me ngā <b>taunakitanga hāngai pū</b>.</p>	<p>Ka <b>whakatau whakaaro whānui</b> hei hunga kaimātakitaki, ki te kounga me te whakaūtanga o te huānga o te whakaaturanga.</p> <p>Ka <b>whakamārama whānuitia</b> te hononga o ngā whakaaro ki ngā huānga me ngā Āhuatanga Tāpua i roto i te whakaaturanga.</p> <p>Ka tautokohia ngā kōrero ki ngā <b>taunakitanga whānui</b>.</p>	<p>Ka <b>whakatau whakaaro</b> hei hunga kaimātakitaki, ki te kounga me te whakaūtanga o te huānga o te whakaaturanga.</p> <p>Ka <b>whakamārama</b> i te hononga o ngā whakaaro ki ngā huānga me ngā Āhuatanga Tāpua i roto i te whakaaturanga.</p> <p>Ka tautokohia ngā kōrero ki ngā <b>taunakitanga tika</b>.</p>	<p>Ka <b>whakamāramahia whānuihia</b> kia <b>WHĀ</b> ngā huānga kua whakamahia, ā, kia whā anō ngā Āhuatanga Tāpua i roto i te whakaaturanga.</p> <p>Ka <b>whakamārama pū</b> i ōna ake kupu, ki tā te tirohanga o te hunga mātakitaki, te huānga/te whakahaere o te whakaaturanga.</p> <p>Ka tautokohia ngā kōrero ki <b>ētahi taunakitanga</b>.</p>	<p>Ka <b>whakamāramahia</b> kia <b>WHĀ</b> ngā huānga kua whakamahia, ā, kia WHĀ anō ngā Āhuatanga Tāpua i roto i te whakaaturanga.</p> <p>Ka <b>whakamārama</b> i ōna ake kupu, ki tā te tirohanga o te hunga mātakitaki, te huānga/te whakahaere o te whakaaturanga.</p> <p>Ka taunakitia ngā kōrero ki <b>ētahi rangahau</b>.</p>	<p>Kua ngana ki te whakautu, ki te tuku taunakitanga engari kaore tonu i te hāngai ki te paearu.</p> <p>Kāore he whakautu, kāore hoki he taunakitanga.</p>	<p>He iti rānei, kaore rānei he taunakitanga kua tukua mai.</p> <p>Kāore he whakautu, kāore hoki he taunakitanga.</p>

## Ngā whakatau iho

Kairangi	Kaiaka	Paetae	Kāore i whiwhi
7 - 8	5 - 6	3 - 4	0 - 2